

KOVARA

MUZIK ^ HİNER

Sal 2 Hejmar 4 Havîna 1981 - 2593 kurdî

BO DÎNDARÊ XWÎNMÊJ

Hey zikreşê dilmış qirêj !

Tu bes bimîne şaş û gêj

Ku xwînmêj û birakuj bî

Te bo çi ye rojî û nivêj?

Sed tif li nav çavêن te bit

Meke nivêj! Xwînê mûrêj!

Ne ji bo keran bûye beyda

Ew behîsta pan û dirêj

Tu req bibî tu nabînî

De her bibêj û her bipêj!



Tenbûrvanê sitembar
û hovîtiya misilman-
tiyê (rûpel 19)

Mamoste
Sêbri Botanî

Evin



Azadî

dostî

Aştî

Hiner

HİNERA FOLKLORİ!

Beşir



GİRÊ SÎR E

Ji devê Hûrî Botanî

Notenivis:- Beşir Botanî

The musical notation consists of two measures on a single staff. Measure 1 starts with a quarter note on the first line, followed by an eighth note on the second line, another quarter note on the first line, and an eighth note on the second line. Measure 2 starts with an eighth note on the first line, followed by a quarter note on the second line, another eighth note on the first line, and a quarter note on the second line.

Gi-re sî-ra bi sî-re Lé Lé lê lê Mey-ro

Girê sîr e bi sîr e Lé lê, lê lê Meyro

Gir xopanê bi sîr e Şox û şengê Meyro

Du swara hîr û hîr e Lé lê, lê lê Meyro

Yarê Meyro pir jîr e Şox û şengê Meyro

Girê sîr e bi ce ye Lé lê, lê lê Meyro

Gir xopanê bi ce ye Şox û şengê Meyro

Du swara hey û hey ye Lé lê, lê lê Meyro

Yarê Meyro file ye Şox û şengê Meyro

Girê sîr e bi nîsk e Lé lê, lê lê Meyro

Gir xopanê bi nîsk e Şox û şengê Meyro

Du swara hîsk û hîsk e Lé lê, lê lê Meyro

2 Yarê Meyro bilalîsk e Şox û şengê Meyro

Girê sirê bi pîvaz e
Gir xopanê bi pîvaz e
Du swara naz û naz e
Yarê Meyro tolaz e

Lê lê, lê lê Meyro
Şox û şengê Meyro
Lê lê, lê lê Meyro
Şox û şengê Meyro

Girê sîr a bi dar e
Gir xopanê bi dar e
Du swara lar û lar e
Yarê Meyro dildar e

Lê lê, lê lê Meyro
Şox û şengê Meyro
Lê lê, lê lê Meyro
Şox û şengê Meyro

DÈRE SORÈ

Moderato $\delta = \pm 2$

32. *Bi-gu-ké*, *lè, lè, lè, lè,*
lè, lè, lè, lè, way lè, lè, dè-re so-re
bi-gu-ké, par keg bù i-sal bù-ké, dest bi hi-na
ney-nu-ké, lè, lè, lè, lè, lè, lè,
way lè, lè, par keg bù i-sal bù-ké, ber-xé,
seb-ra ma. la mi-né, way lè, lè.

NOTANIVIS:-
N*ura* Cewari

Dêre sorê biçûkê,
lê, lê, lê, lê, lê, lê, lê, lê, lê, wey lê, lê
Dêre sorê biçûkê
Hine li destê bi neynûkê
Par keç bû, fsal bûkê,
lê, lê, lê, lê, lê, lê, lê, wey lê, lê
Par keç bû, fsal bûkê
Berxê! Sebra mala minê! Wey lê, lê

Dêre sorê mezinê,
lê, lê, lê, lê, lê, lê, lê, lê, lê, wey lê, lê
Dêre sorê mezinê
Hine li destê bi bazine
Par bûk bû ïsal jinê
lê, lê, lê, lê, lê, lê, lê, wey lê, lê
Par bûk bû ïsal jinê
Berxê! Sebra mala minê! Wey lê, lê

Endîwer e, paytext e,
lê, lê, lê, lê, lê, lê, lê, lê, wey lê, lê
Endîwer e, paytext e,
fînê bide bêm rex te
Te mabû soz û bexte
lê, lê, lê, lê, lê, lê, lê, wey lê, lê
Te mabû soz û bexte
Berxê! Sebra mala minê! Wey lê, lê

HINERA NÜ

Notenivîs:- Beşir Botanî

DILBER

Helbest û awaz:-

Hinermendê mezin TEMO

Song

Ge-lek hêja yi dilber wek gula xem-₁ ri
Çavê te re-₂ sin dilber reše-₁ kî ta-₂ ri
music
ri

Gelek hêja yi dilber, wek gula xemri

Çavê te reş in dilber, reşeki tarî

Tu pir şérîn i dilber, tu gulbihar i

Ji bo evinê dilber, her dem tu karî

Ez birîndarê ewrê wan çavê te me

Ku te dibînim gelek ez bê çare me

Ez dil bi kulê êşa evîna te me

Ew navê li ser te dilber ji min re xem e

Min ciger nîne dilber bêjim wî navî

Çavê m' dijwar in dilber wê te hingav i

Rind i, bi evîn i, dilber, wek roj û tav i

Bo min biha yi dilber, roniya çav i

Helbest:-

Mamoste Sebrî Botanî

Music

GULBIHAR Ü PELITANK

Awaz:-

Beşir Botanî



Song



Dîtra rojê li ser banî min li ser milê wî danî

Ya te gotî min ew got Ez di gel xwe kirim cot

Gulê pa keyfa wî hat Maçek bo min kir xelat

Gote min bêje Fatê Bê min neçit civatê

— — —

Gulê ji nû min zanî Yarê te ye Botanî

Gotinek kir wek sekir Wî dilê min pê vekir

Pir xwes û nerm û têr tam Şîr û şerîn şekrê şam

6 Hingî gava paştır bû Şerîntir û bastır bû

Gulê nədim malê dinê

Li ser wê têm kuştinê

Li ser wê tîrh û katê

Agir û befr û ba té

Ewre evîna caran

Dîsa kir befr û baran

Eurênen me reş û tar in

Şîn û şadî dibarin



Bêrivan

Helbest:-
Ehmed Çantekîn

Awaz:-
Beşir Botanî

Music

ZIMAN Ü WELAT

Song

Li ka - ré li ma - lê li gun-dû li çô té
li nav ba - xû bex-çan li nav re - zû da - ran
Em bi kur-dî di-pe-yi-vin di-pe-yivin

Li karê, li male,
li gund û li çolê,
li nav bax û bexçan,
li nav rez û daran
em bi KURDÎ dipeyivin, dipeyivin.

Li erdê xwe dijîn,
dilîzin, distirêن,
çîrokan dibêjin,
helbestan dixwînin,
tim govend û lîlî dikin û dikenin.

(meqam)

Em kurd in, gelek adetên me baş hene
Pir xwarin û vexwarinên me xweş hene
Şal û şepkên me çi rengîn û ciwan in

Miletê me maye,
welatê me heye,
KURDISTAN, KURDISTAN,
Kurdistana ciwan
Va ye hawar û qêr dike li bin destan.

GOVENDA EFRÎNÊ Bêşir Botanî



kovara Muzîk a Hiner
Bixwînîn û belav bikin



Jîn Muzîk

Berîvan

Beşir Botanî

Jîn kar û xebat e. Evin û axaftine. Xwarin û ve-xwarin e. Zehmet û xweşî ye. Tarî û ronahî ye. Muzîk û gerdek e(zewac) û hd. Muzîk jî bi xwe bê-seke mezine ji jînê. Lê mixabin gelek kes hene ku vê yekê bawer nakin. Her wisan gelek hinermendên derew jî hene nîzânîn ku mebest(meqsed)û armancê çi ne?! Aya! gelo! çîma axaftin yan xwarin bêşek in giring in lê ne muzîk e?! Ez dixwazim bi cih-bînim ku muzîk giring û pêwfist e û bêseke mezine ji jînê.

Hindek yan gelek ji me dema ku li pêrçêke muzîk dibihîzin, têdigihêن ku ew perça muzîk çi ye? Gava em dibihîzin, bi dilxweş yan bi dilxemgîn dibin û hd. Lê em dê çawen ew hest(fîhsas)werge-

rînîne axaftinê?

Gelek corêñ muzîk hene. Lê her perçeka muzîk ji bo her mirovekî ji me têgehiştina wê cuda ye. ji ber ku ev yeka ha li ser sirûşta ku em li wê dêrê mezin bûne, nêrîn û serpêhatina jîna me girêdaye.

Dema ku em diçin govendê, goristanê, yan dema ku em cejna Newrozê pîroz dîkin. Dema ku bab û dâpîrên me çirokan bo me dibêjin. Dema ku mirov bi fîkan piyasê dike û li pêlweşê(radyo)dibihîze. Hema di wê demê de gelek awazan têne bihîstin. Awazên xweşî, şînfî û hd. Ev jî xuya dike ku muzîk gelek giring û pêwîst e û rola wê bingehîn e.





Ji gelî hevalan re
Diwana helbestvanê mezin
Osman Sebî hate çapkirin!

Diwana helbestvanê nîstiman -
perwer bixwînin û belâv bikin!

KOŞEYA WÊNE

Kak Ehmed Çantekîn wênekarekî û helbestvanekî kurd e (bi nijadê xwe ermenî ye). Mirovekî Kurdistanî ye. Gelek wêne û helbestên ciwan û baş li ser Kurdistanê li nik wî hene. Helbestekê ji helbestên wî di vê hejmarê de bi awaz hate belavkirin. Wêneyêن wî yên baş, ciwan û giranbiha bi destêن me neketine da ku em belav bikin. Her wisan li kemasîyê nenêrin.





Hinermendê rastîn, awazvanê zane û
tenbûrvanê mezin **T E M O**

Dibistana

ARAM TÎGRAN

Ji bo fêrbûna muzîkê

Berhevkirina Beşîr Botanî

GUHÊROK, pênc guhêrok hene:-

Ferensi Kurdî

- 1- Diyêz ♯ Nîvbilind(bilindkirina deng bi nîv deng)
- 2- Kar diyêz ♯ Çarekbilind(bilindkirina deng bi çarek deng)

- 3- Bîmol b Nîvnizim(nizimkirina deng bi nîv deng)

- 4- Kar bîmol b Çareknizim(nizimkirina deng bi çarek deng)

- 5- Bikar Zîverak(deng bo cihê xwe dizivirîne)

Ta hejmar-5-

Ayetullah Xelxalî dibêje:-

Ez dê tilî û zimanên hinermendan bibirim, eger
tilî û zimanên xwe nabirin.

Ayetullah Mihemed Behîstî dibêje:-

Dengê dehol û zirne ji beşek in ji muzîkê ne.

Divê em van pêwengan(aletan)ji qedexe bikin. Ji
mîkroban(hinermendan)bistînin û bişkînin.

SIPAS JI HEVALAN RE!

Kovara MUZÎK û HINER sipas ji hevalan re dişine.

Bi taybetî yên ku pere, alîkarî û pirtûkan ji bo
kovarê şandine. Wek

1- Ji hevalekî bê nav-Ferensa

2- Ji hevalekî bê nav-Libnan

3- Rafîk Hîracyan-Sûrî

4- Mîxayîl -Elmanya

JI BO ALÎKARIYÊ, postgirokonto 453 46 47-5

Bashir Botani
Sweden

KOVARA MUZÎK û HINER BIXWÎNE û BELAV BIKE!
ALÎKARIYÊ JÎ BIŞÎNE Û TEV JI BO DOZA KURDISTANÊ .

(ADET Û RÛMETNAMEYÊN KURDAN)
1858-1859
(Mela Mehmedê Bayezidî)

Berhevkirin û
rastkirina:-
Hevalekî hêja

Zivistanan kurd sibe û êvaran diçine odayêñ axan
û du-sê seetan rûdinin û çirokan dibêjin. Yaxud
behs û şerên borî û pergalêñ borî dibêjin. Weki
nîvroj bûyî têne malêñ xwe û nanî dixun û alifêñ
dewarêñ xwe didinê. Îcarî eger heyam xwes e, ber-
hev dibin li ber rojê li cihekî rûdinin û dîsanî
qelûnê dikêşin û dipeyivin. Bi şev carnan dibitin
ku eger gûz peyda bitin distînin û dilîzin, ew jî
qumar e. Hindik didine derê. Ciwanêñ wan law, keç
û bûk zivistanan her şevê li malekê yexnaxî li wê
malê berhev dibin. Eger saz hene, sazan lêdixin.
Eger saz tune bin lawêñ dengbêj, bûk û keç tevî
hevdu bêrîtan dibêjin û distirêñ û govend digirin
û dîlan dikan, heya nêzîkî sibehê. Îcar her kesek
belav dibin û diçine malêñ xwe. Piranî du şev û sê
şevan carekê hêrguz(illa)yexnaxî di nava gundiyeñ
kurdan de dibin. Eger li gund file(ermenî)hebin,
law û keçen wan jî tevî kurdan dibin û pêkve gove-
ndê digirin û dilîzin.

Vegirkerên sitemkar û dijminên xwînmêj bi alîkari-ya hêzên emperialist şîyan ku welatê me perç perçe bikin. Lê hovêni nijadperest jî dixwestin ku me beş beş û me pirt pirt bikin û ta niha bi vî karî jî mi-jûl in.

Em gelên Kurdistan in. Bira û dostêni hev in. Rêka me yek e. Doza me jî yek e û bi hev re li yek welat dijin. Ji ber ev e jî çand û folklora me gelek nêzîkî hev bûne. Ev çand û folklora ha bi saye serê bab û bapîrêni me yên ku bi xebata direj û bi rezaleti hindek bo me parastin. Divê em jî wekî wan ev çand û folklora ha ji nemanê biparêzin. Lê xebata parastina çand û folklorê gelek dûr û direj e û gerek e bi zanîn û bingeh be. Lê destpêka wê civê bi şerê nijadperestî be. Her wisan divê em çavê xwe vekin û dijminên xwe nas bikin. Çiku çand û folklor jî beşek in giring in ji şoreşa azadiyê. Lê bê xebata rastîn ya bi zanîn û bingeh em nagihêna ma-fê xwe û rêka azadiya me gelek dûr û zehmetir dibe.

MIXABIN

Ji hinermend xuška Necat Mihemed Sidîq re

Roj hilat, roja evîndaran
Mizgîniyek e bo Kurdistan
Hiner bo me hilbijart
Germiya evînê bo me hinart

Gul geş bû, gula evînistan
Bi stran û bi helbestan
Gava li evîndaran silav kir
Bêhna evînê belav kir

Fînda hinerê vebrûsi, bi dilxweşî û duristahî
Jîna me jî geşkir bi ronahî
Silav û evînên xwe pêşkêşkir bona welat
Piroz be û her bijî xuška Necat

Roj, gul û find bi evînê geşdibe
Hiner bi evînê xweşdibe
Cû ava, çirmisi û vemiri, me evîn jî neda yê
Nê leva me bê hinera wê nayê

Gava cû ava, çirmisi û vemiri
Kovan nalsî û gifî
Nê hinera bê roj, bê gul û findan
Weke Kurdistan bê çiyan

Ey roj, ey gul, ey find, bizivire bo hinerê bizivire
Bi dilxweşî jî binvise û bistire
Tu hinermend î, xwe geşbike
Dilê hemyan jî xweşbike

Me nehişt ku ew binvise, bistire û bikene
Nê ew germî, bêhna û ronahiya biharêne me ye
Nê qencyekê bi me re kir
Mixabin me qencî jî ji bir kir

Roj, gul û finda me bi dilxweşî her nema
Bê gewz, henek û sema
Mixabin ku xwe veşart
Rêka jîn û evîna xwe jî guhart

Besîr

NÜÇEYÊN HINERÊ

Tigran Simonyan

Kak A.D tenbûrvanekî ji tenbûrvanê û Iranê ye. Berî salekê ji aliyê partiya İslâmî ve li Esfahanê hate girtin. Nêzîkî 6 meh li jêr lêdan û tif bû. Rojê carekê xwarin didanê. Tenbûrvanê me gelek nexwes ketibû. Paşê melayê zîndanê biryar da ku wî derxînin û bişînin nexwesxwana Tehranê. Li wê derê jî çar meh mabû. Lê nexwesiyên wî bê çare bûn. Piştre ji nexwesxwanê derket û niha di mala xwe de dijî. Lê çawan dijî? Jîna wî pir zehmet e. Ew gelek nexwes e. Bê kar e. Bê pere ye. Bê kes e û ji tirsan kes neşet ku alikariya wî bike.

Hevalên delal! Ji ber ku kak A.D tenbûrvan e, ji lew re hêzên û Iranê û Kurdistanê behsa wî nakin. Lê eger ew endamê partiyekê kartonî ba, hemawan hêzên kartonî di wê demê de dest bi peyivê vala di kovarên xwe de dikiribane. Ew çima? Mirovê tenbûrvan ne xebatkar e?! Ne xem e, bila tev bizanîn ku mirovên hinermend sitembar in û naxwazin li bin piyêن hêzên xwefiroş û mirovên debeng(ehmeq)bijîn.

Hinermendê RASTÎN dikare pesna rewsa xwe,
gelê xwe, sirûsta welatê xwe û tistên din
bi MUZÎKÊ bide.

Hinermendê ZANE bi XEBATA RASTÎN digihêñ
HÊVIYA xwe ya ji bo DOZA HINERÊ. Ji lew re
jf divê em ji fro de DESTPÊBIKIN

DIVÊ hinermendê zane hinera gelê xwe ji ne-
MANÊ biparêze. Bi HELBEST û AWAZA stranê
NELÎZE û NEGUHIRE.

Yê ku bixwaze jîna xwe PÊSBIXÎNE
Divê muzikê BIXWÎNE

Jîna mirov bi muzikê JÎN e
Lasê wf jf her dem bi EVÎN e

Mirovê jîr, ji muzikê re TÎ ye. Cîku muzik
JÎN e û jîna bê MUSÎK, wek ERDÊ bê AV e.

Jîn bi hinerê RENGÎN dibe. Ciwanî û xwesiya
wê MUZÎK e.

Besîr Botanî

Xudan û berpirsiyarê kovarê:- Besîr Botanî
Weneyêñ hinerîn:-zarokê hêja Bêrivan Xelîl

Ji bo alîkariyê, postgirokonto 453 46 47-5
Bashir Botani Sweden